

Baez Daih 'it Rox Cuengqbae

第一次懂得放弃

Raemxrij sawndik yawj ndaej raen daejraemx de laecoco, youq fwjhaemh dak baihlaj yubyab ok ronghhenj, doenghgij rinraiz iq sanq youq ndaw raemx de, engq hawj raemxrij dem cungj gyaundeide daegbied he.

Gou gungj hwet roengzdaej, gip hwnj nyeuq rin' gyaed luenzlu raeuzrwd he sijsaeq yawj: Najrin hausag raeuzmig lumj nyawh, baihgwnz miz song gvaengz raiz saekhoengzmaeq saeqsed, lumjbaenz diuz maesei gyaundeide he. Gou deng cungj swwhyenz gyaed neix doeksat lo, seizbient gip hwnj nyeuq rin he cungj baenzneix gyaundeide, nanzgvaiq diuzrij miz aen coh ndeidingq he heuh "rijrinraiz". Henzrwz, mbouj seiz cienz daej sing raemx lae yiengj dingdung caeq sing bouxyouz haenh de.....

Gou siusim yupyup dawz nyeuq rin neix cuengq haeuj daeh' aemq bae, lauhei de doek roengz deng vaih. Rumz iq ci aen naj gou, hix ci dwk aen sim angqyangz gou. Ngamq byaij bae geij yamq, gou youh nyaenx mbouj ndaej maeuq roengzdaej, dawz fwngz iet roengz ndaw raemxrij liengzsi bae, vax aeu nyeuq rin ronghcingx ndeu. Nyeuq rin ronghcingx raeuzmig, youq laj ndit ronghmigmig gig ndei yawj.

Gou couh yienghneix byaijbyaij dingzdingz, rin iq saek rongh yiengh lai lumj beng dawz gaiq din gou nei, hawj gou cungj byaij bae naj mbouj ndaej.



Moix nyeuq rin cungj miz daegdiemj de, moix nyeuq rin cungj hawj gou sij mbouj ndaej, gou maqmuengh gip aeu gij rin neix liux daej boenzloengh. Rin couh yienghneix baenz nyeuq baenz nyeuq cuengq haeuj ndaw daeh' aemq gou bae. Ndaw daeh bonjlaiz cij miz geij nyeuq rin, mwh byaij roen seiz mbouj seiz ndaejnyi sing rin doxbungq, gig ndeidingq, hoeng seizneix aendaeh cix naek ndaej at dwk gou yamq mbouj ok din. Gou geij baez siengj dawz mbangj rin he okdaej, hoeng fwngz baez bungq rin, lumh daengz naj rin raeuzrwd, couh sikhaek yut fwngz dauqma.

Daengngoengz raejrub dak dwk daihdeih, gou hanh lae hanh roenx, baegfofo naiqnuknuk, gou saeg naengh roengz lajdeih, gig mbouj cingznyieng hai aendaeh——vut nyeuq lawz bae ndei ne? Nyeuq neix ba, mbouj ndaej, saekheuloeg cij miz nyeuq neix; lij dwg nyeuq neix ba, hix mbouj ndaej, nyeuq neix dwg saekhenj bw! Gou itseiz roengz mbouj ndaej gietsim, simgip ngiengxgyaeuj hwnj, da yawj baihnaj, daxmeh lumjbaenz mbouj yawjraen gou dingz roengzdaej, yied byaij yied gyaed, roen baihnaj lij gig gyaed ne!

Gou nyaed bwnda, haebhaeb heuj, doeklaeng lij dwg dawz rin raix okdaej, cij louz song nyeuq gou hainduj gip aeu haenx. Yietbaeg yaep ndeu, gou ndwn hwnjdaej bae gyaed daxmeh.....

Aendaeh sikhaek bienq ndaej mbaeumbeng-mbeng, rumz liengz daj henz rwz gou ci gvaq, gou lumj bienqbaenz duz roeg ndeu swyouz cwxcaih youq gwnzmbwn mbin bae mbin dauq, simcingz sawqmwh ndei raeuh. Dwg ha, aemq mbouj ndaej, couh cuengq roengz mbangj ba, baihnaj lij miz funghgingj engq ndei. Gij gyaundeide rijrinraiz gaeng louz youq ndawsim gou, vihmaz mbouj louz roengz gij rin gyaundeide neix hawj engqlai vunz ngonzyawj ne!

(Sanhdungh Swngj Cinanz Si Ginghvuj Lu Siujyoz roek nienzgaep Liuz Swhhanz)

Aen Liengj Lwgdouq

小兔的伞



Ndaw ndoengfaex miz aen ranz iq gyaundeide ndeu. Ranz iq dingranz soem-set, conghecueng ronghcingx, najranz dwg aenhongh hai rim va gyaundeide he. Aen ranz neix dwg aen ranz lwgdouq.

Lwgdouq ceiq maij youq ngoenz doek fwn, doek nae okdou yawj baengzyoux, aenvih de rox mwhde gyoengq baengzyoux ndaejhoengq, maij ra vunz ganggoj.

Ngoenz fwn doek seizcin, lwgdouq maij gang aen liengj heu ndeu. Baengzyoux de duzcenth gyaegyaed yawjraen le, ndawsim siengj: Aen liengj lwgdouq geijlai lumj mbawgyoij hung ndeu ha! Aen liengj youq ndaw fwn heusausau, lumj mbawgyoij cingq riengz rumz bidoengh ne!

Ngoenz fwn doek seizhah, lwgdouq maij gang aen liengj saekmaeq ndeu. Baengzyoux de maxloeg iq gyaegyaed yawjraen le, ndawsim siengj: Aen liengj lwgdouq geijlai lumj duj vameizgveiq ndeu ha! Fwn doek youq gwnzde, yienh ndaej

engqgya gyaundeide lo, lumjbaenz miz baenz raq baenz raq hei va hom ci gvaqdaej ne!

Ngoenz fwn doek seizcou, lwgdouq gyaed gang aen liengj henj ndeu. Baengzyoux de lwgmui gyaegyaed yawjraen le, ndawsim siengj: Aen liengj lwgdouq geijlai lumj aen makgaivaiz ndeigwn he ha! Gou lumjbaenz nyuq daengz feihmak vansubsub ne!

Seizdoeng daengz lo, gwnzmbwn mongmwtmwt doek roengz naehau, seiqhenz benq hausagsag ndeu, mwhde lwgdouq gyaed gang aen liengj nding ndeu. Baengzyoux de noucoengz gyaegyaed yawjraen le, ndawsim siengj: Aen liengj lwgdouq geijlai lumj aen daengngoengz ndingyanyan he ha! Noucoengz mbouj nit lo, roxnyinh swheij lumj ndaej byoq feiq nei, ndawsim raejrubrub.

Gyoengq baengzyoux cungj naeuz: "Lwgdouq, aen liengj mwngz hawj aen-ndoeng engqgya gyaundeide lo!"

(Gyangsuh Swngj Nanzdungh Sw-han Daihgeih Fusiuj ngeih nienzgaep Cai Couhdungz)



Seizcou Daeuj Lo

秋天来了

Daeggo seizhah byaij bae lo, daxgoeng seizcou daej daengz lo. Ndaw suenmak, baenz aen baenz aen mak gwnz gomak lumj baenz aen baenz aen doengloengz iq, cienz ok feih mak homfwdwd. Seizcou daej le, gomegmax riu ndaej naj ndingyanyan, gohaeux angq ndaej hwet gungj lo. Rumzcou cififi, mbawfaex loengbyoegbyoeg, laj gofaex, doek roengz fwngim daej. Ndaw doenghnaz, gyoengqvunz cingq nyaengq dwk, gvej aeu haeuxgwn henjrwgrw.

Gyangmbwn vaiqhaemh, baenz baiz baenz baiz duznyanh mbe fwed mbinfiengfieng. Ndithaemh dak aenhuz, naj huz lumj aen gingq henjgim nei. Daengngoengz doek roengz baihsae bae le, duzroeg mbin haeuj rongz bae lo. Youq gwnzgai banhaemh moengzloengz neix, dwg gingjsaek vunz ci byaij youq gwnz-gai, caen ndei ha!

(sam nienzgaep Linz Yenlingz)